

眼科大全

七十八卷

紅芽大戟將軍府

金線重橋國老家

沁邑諸士賈鶴昇題

民國卅一年九月九日九子偶書

御纂醫宗金鑑卷七十七

編輯眼科心法要訣目錄

目睛原始歌

五輪圖

五輪所屬部位歌

五輪主五藏病歌

八廓圖

八廓部位歌

八廓所屬部位歌

八廓主六府命門包絡病歌

內因爲病歌

外因爲病歌

不內外因爲病歌

內障總名歌

內障初患久變五風歌

五風初患有餘歌

五風初患不足歌

黃風有餘歌

黃風不足歌 方附

綠風有餘歌 方附

綠風不足歌 方附

黑風有餘歌 方附

黑風不足歌 方附

烏風有餘歌 方附

烏風不足歌 方附

青風有餘歌 方附

青風不足歌 方附

圓翳歌 方附

水翳歌 方附

滑翳歌 方附

濤翳歌 方附

浮翳歌 方附

沉翳歌 方附

橫翳歌 方附

散翳歌 方附

偃月翳歌 方附

白翳黃心歌 方附

黑水凝翳歌 方附

棗花翳歌

方附

雷頭風歌

方附

驚振內障歌

方附

瞳人乾缺

方附

雀目歌

方附

高風內障

方附

胎患內障歌

方附

御纂醫宗金鑑卷七十七

編輯眼科心法要訣

目睛原始歌

天有日月陰陽精人有二目藏府精衆精之窠爲之眼肉精上
下兩胞名血精兩眚氣精白筋精爲黑骨精瞳約束裏攢系屬
腦曰睛原始要詳明

註

天有日月猶人之有二目也天之日月乃天之陰陽之精
而爲之也人之二目亦人之五藏六府之精上注於目而
爲之也故衆精之窠爲之眼也肉之精爲上下胞也血之
精爲兩眚也氣之精爲白眼也筋之精爲黑眼也骨之精


御纂醫宗金鑑卷七十一
爲瞳人也約束裹攬氣血筋骨之精其系上屬於腦不可
不明此目睛之原始也

通鑑卷八十二
天官自其部人之目也天之目以八
國口部通其目
內通乎血脈而外通於目之部
目之部則目之部也
目之部則目之部也
目之部則目之部也

論語集注卷之十一

論語集注卷之十一

五輪之圖



肉輪屬脾主肉

血輪屬心主血

氣輪屬肺主氣

風輪屬肝主筋

水輪屬腎主骨

五輪所屬部位歌

五輪肉血氣風水肉輪兩胞血輪皆氣輪白睛風輪黑水輪瞳
子自當知

註


五輪者肉輪血輪氣輪風輪水輪也謂之輪者目睛運動
如輪之意也上下兩胞爲肉輪內外兩眦爲血輪白睛爲
氣輪黑睛爲風輪瞳人爲水輪此明五輪之部位分屬五
藏也

五輪主五藏病歌

胞爲脾病皆主心肺白肝黑腎瞳人五輪爲病主五藏寒熱虛
實隨證分

註
胞爲肉輪主脾病也內外二眥爲血輪主心病也白睛爲
氣輪主肺病也黑睛爲風輪主肝病也瞳人爲水輪主腎
病也五輪之病五藏主之其寒熱虛實當隨所現之證而
分之也

八廓之圖



水廓屬膀胱又名津液廓
 風廓屬膽又名養化廓
 天廓屬大腸又名傳導廓
 地廓屬胃又名水穀廓
 火廓屬小腸又名抱陽廓
 一雷廓屬命門又名關泉廓
 澤廓屬三焦又名清淨廓
 山廓屬包絡又名會陰廓

八廓部位歌

瞳人水廓黑睛風天廓白睛部位同
內眥火雷外山澤上下胞
屬地廓宮

一註

八廓者水廓風廓天廓火廓雷廓山廓澤廓地廓也謂之
廓者猶城郭衛禦之義也瞳人屬坎水廓也黑睛屬巽風
廓也白睛屬乾天廓也內眥大眥也屬離火震雷之廓也
外眥小眥也屬艮山兌澤之廓也兩胞屬坤地廓也此明
八廓以八卦立名示人六腑命門包絡之部位也

八廓所屬歌

津液水廓屬膀胱養化風廓是膽方
傳導天廓大腸是水穀地

廓胃家鄉關泉雷廓命門主抱陽內皆火小腸外皆三焦清淨
澤會陰山廓包絡壙

註

內皆火小腸謂內皆火廓屬小腸也外皆三焦清淨澤謂
外皆屬三焦清淨澤廓也津液廓卽水廓水廓屬腎腎與
膀胱爲表裏膀胱爲津液之府故又名焉養化廓卽風廓
風廓屬肝肝與膽爲表裏膽爲少陽主長養化育故又名
焉傳導廓卽天廓天廓屬肺肺與大腸爲表裏大腸爲傳
導之官故又名焉水穀廓卽地廓地廓屬脾脾與胃爲表
裏胃納水穀故又名焉抱陽廓卽火廓火廓屬心心與小
腸爲表裏依附於陽故又名焉關泉廓卽雷廓命門者龍

雷之火故名開泉附於火廊也清淨廊卽澤廊三焦者陽相火也蒸化水穀卽決瀆之官故名清淨附於火廊也會陰廊卽山廊包絡者陰相火也依附於心爲臣使之官故名會陰附於火廊也

八廊主六府命門包絡病歌

風廊屬膽水膀胱大腸天廊地胃鄉火廊小腸雷廊命山澤三焦包絡方

註

此明八廊所屬也風廊卽風輪也風輪屬肝肝與膽爲表裏故輪主藏爲肝病廊主府爲膽病水廊卽水輪也水輪屬腎腎與膀胱爲表裏故輪主藏爲腎病廊主府爲膀胱

病天廓卽氣輪也氣輪屬肺肺與大腸爲表裏故輪主藏
爲肺病廓主府爲大腸病地廓卽肉輪也肉輪屬脾脾與
胃爲表裏故輪主藏爲脾病廓主府爲胃病火廓雷廓澤
廓山廓卽血輪之部位也血輪屬心心與小腸爲表裏故
輪主藏爲心病廓主府爲小腸病其雷廓命門澤廓三焦
山廓包絡皆附於血輪者以命門三焦包絡俱屬相火當
稟命於君火故當附焉

按眼科皆以五輪屬藏配五行八廓屬藏府酌八卦遂使藏
府混淆無所適從夫五輪旣屬藏八廓自應屬府今改訂
之俾學者按輪廓之部位視之而病之在藏在府自能了

然矣

內因爲病歌

內障皆因傷七情喜怒憂思悲恐驚藏府內損精不注初爲內障久成風

註

此明內障受病之因也障遮蔽也內障者從內而蔽也內障之病皆因七情過傷過喜傷心過怒傷肝過憂傷肺過思傷脾過悲傷心過恐傷腎過驚傷膽藏府內損精氣不上注於目故初病內障久成五風烏風綠風黑風黃風青風之患其證不紅不腫瞳人色變而其光失明也

外因爲病歌